

讀書  
雜志

戰國策第一

讀書雜誌二

高郵王念孫

東周

客卽對曰

溫人之周周不內客卽對曰主人也姚宏校本曰一本

周不內問曰客邪對曰主人也韓非子文與一本同見說

林篇念孫案一本是也俗書邪字作耶卽字作卽二形相

近故邪譌爲卽又脫去問曰二字耳問曰客邪與對曰

主人也相對爲文若無問曰二字則對字之義不可通

而又知趙之難子齊人戰恐齊韓之合

或爲周最謂金投曰秦以周最之齊疑天下而又知趙之難子齊人戰恐齊韓之合必先合於秦鮑彪讀而又知趙之難子爲句注曰不敢違投又讀齊人戰恐爲句注曰秦旣疑齊投又不善齊故齊懼伐姚曰子曾本作子念孫案作子者是也而又知趙之難子齊人戰爲句恐齊韓之合爲句子讀爲與與共之與通作子猶賜子此維與宅漢書郊祀志谷永傳並作子論語顏淵篇君孰與足漢書谷永傳作子下文曰秦知趙之難與齊戰也將恐齊趙之合也是其明證矣鮑說皆謬

輕而周

昭翦與東周惡或謂昭翦曰而周甚憎東周嘗欲東周與楚惡而周必令賊賊公因宣言東周也以惡之於王

也

舊本惡字譌作而周二字今從鮑改

昭翦曰善吾又恐東周之賊已而

以輕而周惡之於楚鮑注曰翦惡東必善而而善翦則楚亦因重而矣東欲壞其交故賊翦翦歟則而無內主於楚東因得使楚惡之引之曰鮑說甚謬吾又恐東周之賊已而以輕而周惡之於楚者輕當爲誣謂恐東周殺翦而因以殺翦之事誣而周惡之於楚也上文曰而周必令賊賊公因宣言東周也以惡之於王亦謂而周殺翦以誣東周也俗書巫字或作丕誣字或作誣楚辭招魂

帝告巫陽巫一作巫方言誣譏與也今本誣作誣爾雅  
莖黃菰穡釋文云莖反符反讀者又戶耕反蓋莖字或  
作莖譌作莖故讀其右畔與輕相似因譌而爲輕大戴

禮曾子立事篇喜之而觀其不輕今本輕譌作誣

說見經義

述聞又執誣以彊盧辯注曰自執而誣於善今本誣譌作

輕誣輕二字書傳往往相亂

西周

攻魏將犀武軍

秦攻魏將犀武軍於伊闕進兵而攻周念孫案上攻字  
當作敗今作攻者因下攻字而誤也秦既敗魏軍乃進  
兵而攻周若但言攻魏軍則勝敗未可知不得遽進兵

而攻周也。史記周本紀秦破韓魏，卽師武。集解引此策曰：秦敗魏將犀武於伊闕，是其證。高注：秦攻魏將犀武，軍於伊闕，秦遂進攻周。上攻字亦當作敗。下文犀武敗於伊闕，注曰：秦將白起敗魏將犀武於伊闕，遂進攻周，是其證。

秦與天下俱罷

秦欲攻周，周取謂秦王曰：爲王之國計者，不攻周。攻周實不足以利國，而聲畏天下，天下以聲畏秦，必東合於齊。兵弊於周，而合天下於齊，則秦孤而不王矣。是天下欲罷秦，故勸王攻周。秦與天下俱罷，則令不橫行於周。

矣念孫案秦與天下俱罷俱字後人所加也秦與天下罷者與猶爲也謂秦爲天下所罷也此言天下欲以攻周罷秦秦攻周則爲天下所罷非謂秦與天下俱罷也古或謂爲爲與秦策曰吳王夫差棲越於會稽勝齊於艾陵遂與句踐禽於干隧言爲句踐所禽也韓子外儲說左篇曰名與多與之其實少言名爲多與之而其實少也爲謂之與與亦謂之爲齊策曰張儀以梁爲齊戰於承匡言以梁與齊戰也孟子公孫丑篇曰得之爲有財古之人皆用之言得之與有財也史記淳于髡傳曰豈寡人不足爲言邪言不足與言也是爲與二字聲

相轉而義亦相通也。後人未達與字之義，而以為秦與天下俱罷，故加入俱字，不知秦攻周而天下未攻秦，不得言俱罷也。史記周本紀無俱字。鮑云：天下合齊而與秦戰，戰則必罷，此不

得之辭而

### 到秦

三國攻秦。高注：三國，魏、韓、齊也。反，西周恐魏之藉道也，為西周謂

魏王曰：楚宋不利秦之聽三國也。聽，舊本譌作德，今從鮑改。彼且攻

王之聚，以到秦。魏王懼，令軍設舍速東。到，一本作利。鮑

從一本。見吳師道校本。念孫案：作到者，勁之譌；作利者，後人以

意改之也。攻王之聚，以勁秦者，秦聽三國則三國強而



害於楚宋故楚宋攻魏以勁秦勁者強也言弱魏以強

秦也楚策曰三國惡楚之強也恐秦之變而聽楚也必

漢攻楚以勁秦語意正與此同東周策曰秦知趙之難與齊戰也必陰勁之秦

策曰楚攻魏張儀謂秦王曰不如與魏以勁之又曰王

破楚以肥韓魏於中國而勁齊韓策曰故不如出兵以

勁魏竝與此凡隸書從力之字或譌從刀故功譌作功

勁秦同義漢衛尉衡方碑剋亮天功

勛譌作劇劫譌作劫從至之字或書作至

因譌而爲至故瘞譌作瘞大荒南經大荒之中有山名曰去瘞郭青風瘞之瘞今本

譌作瘞凡醫書內輕譌作輕楚辭九辯前輕鯨之錙力瘞字多如此作

與刀至與至形竝相近故勁譌作到史記韓世家不如

出兵以勁之勁譌作到正與此同後人不知到爲勁之

譌而以意改爲利失其旨矣

秦

八年

商君治秦法令至行公平無私孝公行之八年死惠王代後蒞政姚曰一本八上有十字念孫案一本是也史記秦本紀孝公元年衛鞅入秦三年說孝公變法五年爲左庶長十年爲大良造二十二年封爲商君二十四年孝公卒計自爲左庶長至孝公卒時已有二十年又商君傳商君相秦十年而孝公卒索隱曰案戰國策云孝公行商君法十八年而死與此文不同者蓋連其未

作相之年說耳據此則策文本作十八年明矣

血流至足

引錐自刺其股血流至足史記蘇秦傳集解及太平御覽人事部器物部引此竝作血流至踵念孫案作踵者是也今本作足傳寫脫其右畔耳曲禮曰行不舉足車輪曳踵是足爲總名而踵爲專稱踵著於地故血流至踵而止若泛言至足則其義不明莊子亦言汗流至踵不言至足也

見田子方篇

俱止於棲

諸侯不可一猶連雞之不能俱止於棲亦明矣姚曰李

善引作俱上於棲念孫案作上者是也凡居於高處謂

之棲鳥宿曰棲雞宿曰棲越語越王句踐棲於會稽之上韋注山處曰棲因而所居之處

亦謂之棲此云俱上於棲孟子萬章篇二嫂使治朕棲趙注棲牀也雞之棲必自下

而上故曰上於棲若連雞則互相牽制而不得上故曰

不能俱上於棲若變上言止則非其義矣姚引文選注

作上而今本文選西征賦注亦作止則後人據誤本戰

國策改之也藝文類聚鳥部引此策作止亦後人所改

後漢書呂布傳注及太平御覽羽族部引此竝作上與

姚所見文選注同又孔叢子論勢篇連雞不能上棲卽

襲用此策之文則策文之本作上益明矣

比是也

頓足徒褐、犯白刃、蹈煨炭、斷死於前者、比是也。鮑於比

下增一比字云、比次也。言如此者、相次不一。吳曰、韓子

作皆是

初見秦篇

比蓋皆之訛。念孫案、鮑吳二說皆非也。比

是猶皆是也。說文皆俱詞也。從比從白。徐鍇曰、比皆也。

廣雅曰、同儕等比輩也。鄭注樂記曰、比猶同也。義與皆並相近。

孟子告子篇比天之所

與我者、先立乎其大者、則其小者不能奪也。比猶皆也。

言耳目與心皆天之所與我者、而心爲大。趙注以比爲

比方謂比方天所與人情性非也。

或改比爲此、改趙注比方爲此、乃尤非。

齊策曰、中山再戰比勝、亦謂再戰皆勝也。

足以爲限

清濟濁河

今本作清濟河濁姚曰一作清濟濁河吳曰韓子作清濟濁河與下文協念孫案文選注

初學記引此竝作清濟濁河今據改

足以爲限長城鉅坊足以爲塞高注

曰限難也

難乃旦反

念孫案諸書無訓限爲難者限本作阻

今作限者後人據韓子改之因并改高注耳文選謝朓

始出尚書省詩注初學記地部引此竝作阻爾雅及邶

風雄雉谷風傳竝云阻難也正與高注合

是以弊邑之王不得事令而儀不得爲臣也

今齊王之罪其於弊邑之王甚厚弊邑欲伐之而大國

與之懼是以弊邑之王不得事令而儀不得爲臣也高

讀至令字絕句注云令善也不得善事於楚王也念孫案不得事令四字文不成義高訓令爲善非也不得事下當有王字令字當在而字下令者使也是以樊邑之王不得事王爲句而令儀不得爲臣也爲句史記楚世家作是以敝邑之王不得事王而令儀亦不得爲門闌之廝也是其證

計聽知覆逆者以下五十一字

此篇記齊伐楚楚王使陳軫西講於秦之事末云計聽知覆逆者唯王可也計者事之本也聽者存亡之機也計失而聽過能有國者寡也故曰計有一二者難悞聽

無失本末者難惑念孫案自計聽以下五十一字與上文絕不相屬此是著書者之辭當在上篇計失於陳軫過聽於張儀之下上篇言楚所以幾亡者由於計之失聽之過故此卽繼之曰計聽知覆逆者唯王可也唯與雖同上篇曰樊邑之王所甚說者無大大王唯儀之所甚願爲臣者亦無大大王樊邑之王所甚憎者無先齊王唯儀之所甚憎者亦無先齊王史記張儀傳兩唯字皆作雖表記曰唯天子受命于天鄭注唯當爲雖墨子尚同篇曰唯欲毋與我同將不可得也荀子性惡篇曰今以仁義法正爲固無可知可能之理耶然則唯禹不知仁義法正不能仁義法正也史記淮陰侯傳曰唯信亦爲大王不如也唯竝與雖同王讀如王天下之王言人主計聽能知覆逆者雖王天下可也下文云計失而聽過能有國者寡也亦承上篇而言此



篇所記陳軫之言史記張儀傳有之而獨無計聽以下  
五十一字則此五十一字明是上篇之錯簡也

### 公仲侈

是王欺魏而臣受公仲侈之怨也鮑改侈為朋云朋侈  
字近故誤吳師道曰史田齊世家韓馮徐廣云卽公仲

侈

甘茂傳公仲侈徐廣曰一作馮

又有韓明韓侈

秦楚策作韓侈韓策作韓朋又作韓明又

作公仲明

馮朋音混而侈明朋字譌故也且當各存舊文引

之曰史記作馮馮與朋聲相近則作朋者是也藝文類

聚寶部下引六韜曰九江得大貝百馮馮烈道應篇作

大貝百朋是朋馮古字通也

朋之通作馮猶湖河之通作馮

其作侈

者乃朋字之譌。朋，古字亦通。

說文：朋，語也。字或作備。周官：士師爲卑朋。故書

朋作備。鄭司農云：備讀如朋友之朋。古文多字作朋。形與朋相似。傳寫往往譌。莊子：徐無鬼爲張若謂朋。前馬釋文：屢崔本作屢，本亦作朋。史記：五帝紀：鬼神山川封禪與爲多焉。徐廣曰：多一作朋。漢書：霍去病傳：校尉僕多有功。師古曰：功臣表作僕朋。今此作多，轉寫者誤也。韓子十過篇及漢書古今人表並作公仲朋。

蘇代僞爲齊王曰

甘茂亡秦之齊，秦王與之上卿，以相印迎之。齊甘茂辭不往。蘇代僞爲齊王曰：甘茂，賢人也。今秦與之上卿，以相印迎之。齊，茂德王之賜，故不往，願爲王臣。今王何以禮之？吳曰：僞爲二字疑是爲謂。蓋上卿之事誠有何得。

言偽爲一本作謂念孫案偽爲卽爲謂也爲謂之爲爲

謂齊王者蘇代爲甘茂謂齊王也齊策公孫閑爲謂楚

齊王曰韓策宋赫爲謂公叔曰史記楚世家張丑偽爲楚王曰竝與此偽爲齊王同義偽與爲古

同字偽爲之爲古與謂同義故一本作謂秦策秦令周

齊策淳于髡爲齊王曰燕策蘇代爲燕爲惠王曰墨子魯問篇墨子爲魯陽君曰韓子內儲說篇嗣公爲關吏

曰商臣爲共傳潘崇曰竝與此爲齊王同義又宣二年穀梁傳孰爲盾而忍弑其君者乎孰爲卽孰謂楚策賁

諸懷錐刃而天下爲勇而施衣褐而天下稱美爲勇卽謂勇孟子公孫丑篇管仲面之所不爲也而子爲我

願之乎言子謂我願之也告子篇爲是其智弗若與口非然也言謂是其智弗若也爲與謂同義故二字可以

互用文王世子曰父在斯爲子吾在斯謂之臣莊子天地篇曰四海之內其利之謂悅其給之爲安盜跖

篇曰今謂臧聚曰女行如桀紂則有性也有不厭之心今爲宰制曰子行如仲尼墨翟則變容易色稱不足楚

策曰今爲馬多力則有矣若曰勝千鈞則不然者何也  
夫千鈞非馬之任也今謂楚強大則有矣若越趙魏而  
關兵於燕則豈楚之任也爲與謂同義故二字可以通  
用大戴禮文王官人篇此之爲考志也逸周書官人篇  
爲作謂莊二十二年左傳是謂觀國之充史記陳杞世  
家謂作爲墨子公輸篇宋所爲無雉兔鰕魚者也宋策  
爲作謂莊子讓王篇今某抱仁義之道以遭亂吳謂上  
世之患其何窮之爲呂氏春秋慎人篇爲作謂  
卿之事非僞則誤讀僞爲詐僞之僞矣

### 閒有所立

秦王愛公孫衍與之閒有所立引之曰閒有所立四字

文不成義立當爲言閒私也謂與之私有所言也

後漢書鄧

禹傳注曰閒私也史記信陵君傳曰侯生乃屏人閒語是也鮑以閒爲暇隙非是故下文卽云

因自謂之曰寡人且相子篆文言字作𠂔隸作𠂔因譌

而爲立

大戴禮曾子立事篇君子未問則不言荀子大略篇言譌作立

韓子外儲說右

篇正作閒有所言

### 挈領

臣戰載主契國以與王約必無患矣若有敗之者臣請

挈領鮑注曰領項也言欲請誅持其項以受鈇鉞念孫

案鮑訓挈爲持臣請持領斯爲不詞矣今案挈讀爲契

契斷也猶言臣請斷頸耳說文契刻也

玉篇苦結切

爾雅契

絕也郭注曰今江東呼刻斷物爲契斷釋文契字又作

挈漢書司馬相如傳挈三神之歡應劭曰挈絕也宋策

鍤朝涉之脰亦謂斷其脰也契挈契鍤字異而義同

若於除 齊怒須 莫如於陰

謂穰侯曰爲君慮封若於除宋罪重齊怒須殘伐亂宋  
德強齊定身封此亦百世之一時也已鮑改若爲苦而  
斷苦於除宋罪爲句重齊怒爲句注曰宋齊所惡也故  
除宋罪則齊怒齊怒則封之封不定故以爲苦念孫案  
鮑說甚謬若於除若上當有莫字除當爲陶字之誤也  
隸書陶字或作陰與除字相似須當爲溪義見下莫若於陶爲句宋罪重  
爲句齊怒溪爲句陶宋邑也伐宋以德齊而取陶以定  
封計之上者也故曰爲君慮封莫若於陶上文秦客卿  
造謂穰侯曰秦封君以陶是也趙策曰客謂奉陽君曰

君之春秋高矣而封地不定不可不孰圖也秦之貪之

爲人義韓魏危衛楚正正當爲辟義見下鮑云蓋中山

見下之地薄宋罪重齊怒淡殘伐亂宋定身封德強齊此百

代之一時也又曰臣爲足下使公孫衍說奉陽君曰君

之身老矣封不可不早定也爲君慮封莫若於宋他國

莫可夫秦人貪韓魏危燕楚辟中山之地薄莫如於陰

陰亦當爲陶隸書陶或作陰陰或作陰二形相似故陶

誤爲陰太平御覽學部十二引劉向七略曰古文或誤

以陶爲陰是也齊策有陰平陸則梁門不啟史記田完

世家陰作陶魏策陰必止史記穰侯傳作陶又穰侯傳

乃封魏母於穰復益封陶徐廣曰陶一作陰索隱曰陶

陰字本易惑王劭按定陶見有魏封冢作陰誤也又建

元以來侯者年表載苴侯朝鮮相韓陰漢書功臣表作

韓陶又漢書司馬相如傳奏陶唐氏之舞師古曰陶唐

當爲陰康宋之罪重齊之怒淡殘亂宋得大齊定身封此百  
代之一時也楚策曰虞卿謂春申君曰爲主君慮封者  
莫如遠楚今燕之罪大而趙怒淡故君不如北兵以德  
趙踐亂燕以定身封此百代之一時也以上三條足與  
本條互相證明矣

今者

范雎至秦王庭迎謂范雎曰寡人宜以身受令久矣今  
者義渠之事急寡人日自請太后今義渠之事已寡人  
乃得以身受命念孫案旣云今義渠之事已則上文義  
渠之事急二句乃追敘之詞不得言今者史記范雎傳



作會義渠之事急是也言適會義渠之事急故寡人不得以身受命耳今者二字卽一會字之譌

請令廢之 請令罷齊兵 不如令殺之 臣請令發兵救韓

天下之士合從相聚於趙而欲攻秦秦相應侯曰王勿憂也請令廢之念孫案令當爲今字之誤也今猶卽也

言請卽廢之也

史記汲黯傳索隱曰今猶卽今也上文曰臣今見王獨立於廟朝矣魏策曰樓

公將入矣臣今從燕策曰馬今至矣今字並與卽同義

又齊策齊舉兵伐梁梁王

大恐張儀曰王勿患請令罷齊兵令亦當爲今言請卽

罷齊兵也

史記張儀傳亦譌作令凡戰國策史記今令二字多互譌不可枚舉又趙策知

過說知伯曰二主色動而意變必背君不如令殺之令亦當爲今言不如卽殺之也又韓策穰侯謂田荅曰公無見王矣臣請令發兵救韓令亦當爲今言請卽發兵救韓也史記韓世家作今是其證凡言請今者皆謂請卽也趙策秦王謂諒毅曰趙豹平原君數欺弄寡人趙能殺此二人則可若不能殺請今率諸侯受命邯鄲城下史記項羽紀韓信彭越皆報曰請今進兵皆其證也

南攻楊越 過楚以攻韓

吳起爲楚悼南攻楊越北并陳蔡史記蔡澤傳攻作收念孫案作收者是也南收楊越北并陳蔡皆謂取其地

也若但言攻則非其指矣史記南越傳索隱曰案戰國策云吳起爲楚收楊越是策文本作收與史記同也又韓策曰公何不以秦爲韓求潁川於楚此乃韓之寄地也公求而得之是令行於楚而以其地德韓也公求而弗得是韓楚之怨不解而交走秦也韓楚爭強而公過楚以攻韓此利於秦鮑注曰過謂以攻韓爲楚罪念孫案鮑說非也過楚謂責楚也呂氏春秋適威篇注曰過責也趙策曰唯大王有意督過之也攻亦當爲收收韓謂令韓於秦也上文曰今公徒收之甚難下文曰收楚韓以安之皆其明證矣史記甘茂傳正作過楚以收韓

梏而殺之

大夫種爲越王禽勁吳成霸功句踐終梏而殺之念孫

案史記越世家越王賜大夫種劍種自殺不言梏而殺

之

姚本作梏鮑本謫作指注云指夏同轢也尤非

梏當爲倍字之誤也倍與背

同言越王背德而殺之也史記作句踐終負而殺之負

亦背也

史記魯世家南面倍依以朝諸侯倍依卽負依主父偃傳南面負展漢書負作背漢書高祖紀

項羽背約史記背作負背

倍負三字古同聲而通用

鄭世家贊曰甫瑕雖以劫殺

鄭子內厲公厲公終背而殺之語意正與此同

更與不如景鯉畱

楚王使景鯉如秦客謂秦王曰景鯉楚王所甚愛王不

如畱之以市地。楚王聽則不用兵而得地。楚王不聽則殺景鯉。更與不如景鯉。畱姚曰。畱曾劉一作者念孫案者字是也。作畱者涉上下文畱字而誤。者下當有市字。更與不如景鯉者。市卽承上市地而言。上文范雎謂昭王曰。王攻韓以張儀爲言。張儀之力多且割地而以自贖於王。張儀之力少則王逐張儀而更與不如儀者。市語意正與此同。今脫去市字則文不成義。

憚

王之威亦憚矣。高注曰。憚難也。六國諸侯皆畏難。秦王之威也。念孫案。憚者盛威之名。莊子外物篇曰。白波若

山海水震蕩聲侔鬼神憚赫千里義與此憚字同此言  
秦之威盛非謂六國憚秦之威也上文云王之功亦多  
矣亦非謂六國多秦之功也高以憚爲畏難失之史記  
春申君傳憚作單古字假借耳小司馬以單爲盡亦失  
之盛威謂之憚故威亦謂之憚賈子解縣篇曰陛下威  
憚大信是也信與伸同盛威謂之憚故盛怒亦謂之憚大雅  
桑柔篇曰逢天憚怒是也憚與憚同司馬相如上林賦  
曰驚憚驚伏鴻烈  
覽冥篇曰憚驚伏  
竄憚驚卽驚憚

### 朝爲天子

魏爲逢澤之遇乘夏車稱夏王朝爲天子天下皆從念

孫案爲與于同

爲于二字古同聲而通用聘禮記賵在聘于賵鄭注曰于讀曰爲莊二十二年

左傳竝于正卿

釋文曰于本或作爲晉語稱爲前世韋

注曰言見稱譽於前世是爲卽于也僖二十年穀梁傳謂之新宮則近爲禰宮亦謂近于禰宮也史記孟嘗君傳君不如令樊邑漢合於秦西周策於作爲於與于同

謂魏惠王朝于天子而天下皆從也秦策又曰梁君驅十二諸侯以朝天子於孟津齊策曰魏王從十二諸侯朝天子皆其證也鮑讀朝爲朝夕之朝而於朝上增一字謂魏王一朝爲天子而天下皆從其失甚矣吳讀朝爲朝聘之朝是也而云爲字疑衍則未知于爲之通用也

戰敗不勝

齊釋

齊戰敗不勝謀則不得使陳毛釋劍擗委南聽罪而說  
趙北說燕內喻其百姓而天下乃齊釋念孫案敗與不  
勝詞意相複敗當爲則字之誤也戰則不勝謀則不得  
相對爲文齊釋當爲釋齊上文天下乃釋梁卽其證

太子爲糞矣

樓辭約秦魏魏太子爲質紛彊欲敗之謂太后曰國與  
還者也敗秦而利魏魏必負之負秦之日太子爲糞矣  
鮑注曰卽所謂糞之吳曰糞棄除也念孫案鮑注不解  
所謂吳以糞爲棄除太子爲棄除矣亦甚爲不詞今案  
糞下當有土字下章呂不韋謂秦質子吳人曰今子無



母於中外託於不可知之國一日倍約身爲糞土語意正與此同

### 秦邑

子楚立王后爲華陽太后諸侯皆致秦邑念孫案秦當爲奉字之誤也奉邑謂太后之養邑也魏策曰王嘗抱葛薛陰成以爲趙養邑養邑猶奉邑也西周策曰以應爲太后養地養地猶養邑也史記吳世家曰吳子慶封朱方之縣以爲奉邑越世家曰句踐表會稽山以爲范蠡奉邑趙世家曰奉邑侔於諸侯

恐懼 木材

武安君曰、綴病鉤、身大臂短、不能及地、起居不敬、恐懼  
歟、罪於前、故使工人爲木材、以接手、念孫案、文選謝靈  
運初發都詩注、引此懼作獲、材作杖、於義爲長、木杖必  
使工爲  
之、故曰、使工人爲木杖、若作木材、則非其  
指矣、後與懼、杖與材、疑皆以形近而誤、

冠舞以其劔 冠舞其劔

乃資車百乘、金千斤、衣以其衣、冠舞以其劔、鮑注曰、古  
者飲則以劔舞、今以王劔賜之、使爲舞時用、姚曰、舞劉  
本作帶、念孫案、此文當作衣、以其衣、冠古亂反以其冠、帶  
以其劔、謂衣以王之衣、冠以王之冠、帶以王之劔也、今  
本脫去、以其冠三字、帶字又譌作舞、隸書帶字或作帶、

又作帶

漢濟陰太守孟郁脩堯廟碑雖徒帶眾竹邑侯相張壽碑爲冠帶禮義之宗字並作帶雖記率

帶字作帶五經文字因譌而爲舞鮑曲爲之說非也又所謂禮記作帶者也

齊策靖郭君衣威王之衣冠舞其劔姚日舞劉作帶念  
孫案呂氏春秋知士篇靖郭君下有來字此亦當有下  
文曰宣王自迎靖郭君於郊若無來字則與下文義不  
相屬且高注云從薛至齊也則有來字明矣冠下亦當  
有其冠二字舞亦當作帶呂氏春秋正作靖郭君來衣  
威王之衣冠其冠帶其劔

齊

夫齊

靖郭君將城薛齊人有請見者靖郭君見之客曰君不

聞海大魚乎

今本脫海字茲據太平御覽鱗介部所引及鴻烈人間篇新序雜事篇補網不

能止釣不能牽蕩而失水則螻蟻得意焉今夫齊亦君  
之水也君長有齊奚以薛爲夫齊雖隆薛之城到於天  
猶之無益也吳曰夫齊新序作無齊是蓋夫無音訛又  
因上夫齊字混念孫案吳說非也夫齊當爲失齊字之  
誤也此以大魚之失水喻靖郭君之失齊上文口蕩而  
失水則螻蟻得意是其證也韓子說林篇及鴻烈人間  
篇竝作失齊

信反 輕信

齊貌辨謂靖郭君曰太子相不仁過顯豕視若是者信

反鮑注曰始信後反引之曰鮑說甚謬呂氏春秋知士

篇作若是者倍反高注曰如此者倍反不循道理也說

文倍反也太平御覽人事部引此策作背反背與倍古字通則信反明是倍反

之譌凡隸書從言從音之字多相似故倍譌作信篆文

本作音隸作音又省而為音與倍音等字之有畔相魏

策輕倍楚趙之兵倍字亦譌作信史記穰侯傳作輕背

信之譌墨子貴義篇市賈倍從今本譌作信荀子

則我不利

弗救則我不利念孫案不利上當有且字故高注曰且

將史記田完世家作不救則不義且不利

專有齊國

韓自以專有齊國五戰五不勝念孫案專當爲恃字之

誤也

專專草書相近又脫去心旁

高注曰自恃有齊國之助故五與

魏戰而五不勝則策文本作恃明矣田完世家作韓因恃齊五戰不勝卽本於策文也鮑本無專字蓋不知其義而妄刪之耳

其見恩德亦甚大也

楚將伐齊魯親之齊王患之張可爲齊見魯君曰足下豈如全眾而合二國之後哉楚大勝齊其良士選卒必

殪齊為勝其良士選卒亦殪而君以魯眾合戰勝後此

其為德也亦大矣

高注曰全眾謂中立無以為助也觀二國交戰之後勝者其良士選卒殆

盡君以全眾助

其見恩德亦甚大也念孫案其見恩德

亦甚大也乃高注語

在助負敗者擊之下

今誤入正文遂與上句

相複

姚本作其見恩德亦甚大也鮑改為其見恩德也亦甚大矣而於上句注云德敗者於此句注云敗

者德之不得其解而彊為區別妄改原文其失甚矣

不察其至實

大王覽其說而不察其至實念孫案至即實字也雜記

使某實鄭注曰實當為至此讀周秦之人聲之誤也漢

書東方朔傳非至數也師古曰至實也是實與至聲相

近而義亦相通

至字古讀若質故聲與實相近關鳳東山篇我征聿至與埤室室為韻小雅秋

杜篇期逝不至夢我篇入則靡至並與恆為韻月令寒氣總至與室為韻莊子刻意篇道德之質天道篇質作至皆其證也不察其至卽不察其實也今本作不察其至實

者一本作至一本作實而後人誤合之耳史記張儀傳作大王賢其說而不計其實是其明證矣

### 犀首欲敗

張儀以秦梁之齊合橫親犀首欲敗念孫案欲敗下當有之字秦策曰樓畔約秦魏紛彊欲敗之趙策曰楚王令昭應奉太子以委和於薛公主父欲敗之魏策曰楚許魏六城與之伐齊而存燕張儀欲敗之皆其證也若



無之字則文不成義

卮酒

楚有祠者賜其舍人卮酒念孫案卮上當有一字以酒  
僅一卮故下文曰數人飲之不足一人飲之有餘也若  
無一字則文義不明藝文類聚雜器物部鱗介部太平  
御覽器物部及後漢書袁紹傳注引此並作酒一卮史  
記楚世家作一卮酒

不果

或謂齊王曰周韓而有強秦東有趙魏秦伐周韓之而  
趙魏不伐周韓爲割韓卻周害也

吳曰害割字及韓卻恐有誤

周割之後

後字從鮑補下文亦曰趙魏亡之後

趙魏亦不免與秦爲患矣

今齊應秦伐趙魏

應字從鮑補下句亦有應字

則亦不果於趙魏之

應秦而伐周韓

鮑注曰趙魏近秦其應秦不得不果齊

則遠矣應秦必不果也念孫案鮑說甚謬果當爲異字

之誤也此言趙魏應秦而伐周韓及韓卻周割之後趙

魏亦不免於秦患今齊應秦而伐趙魏則趙魏亡之後

齊亦不免於秦患

見下文

故曰今齊應秦伐趙魏則亦不

異於趙魏之應秦而伐周韓也

土則復西岸耳

土偶曰吾西岸之土也土則復西岸耳姚曰一作吾燧

則復西岸念孫案土則復西岸義不可通此承上則女  
殘矣而言則作吾殘者是也趙策土梗謂木梗曰使我  
逢疾風淋雨壞沮乃復歸土彼言壞沮此言殘其義一  
也風俗通義祀典篇藝文類聚果部太平御覽土部引  
此竝作殘則復西岸御覽人事部作吾殘則復西岸

和其顏色

孟嘗君在薛荆人攻之淳于髡爲齊使於荆還反過薛  
孟嘗君謂淳于髡曰荆人攻薛天子弗憂文無以復侍  
矣淳于髡曰敬聞命至於齊畢報王曰何見於荆對曰  
荆甚固而薛亦不量其力王曰何謂也對曰薛不量其

力而爲先王立清廟，荆固而攻之，清廟必危。齊王和其  
顏色曰：「譖先君之廟在焉，疾興兵救之。」呂氏春秋報更  
篇：齊王和其顏色，作齊王知顏色。高注曰：「知猶發也。」念  
孫案：作知者是也。高注訓知爲發，謂發動也。知其顏色  
者，急先君之廟而顏色爲之動也。故下文曰：「譖先君之  
廟在焉，疾興兵救之。」又曰：「善說者陳其勢，言其方，人之  
急也。」呂氏春秋作見人之急也。若自在隘窘之中，蓋惟其急人之急，  
故顏色爲之動也。若云和其顏色，則與下意了不相涉  
矣。齊策又曰：「宣王大息，動於顏色。」高注曰：「動猶發也。」趙  
策曰：「趙王不說形於顏色，或言形，或言動，或言知，皆發。」

動之謂也。故高注曰：知猶發也。僖二十八年左傳：晉侯聞之而後喜可知也。杜注曰：喜見於顏色。管子心術篇曰：見於形容，知於顏色。內業篇作和於形容，見於膚色，和亦知之誤。呂氏春秋自知篇曰：文侯不說知於顏色。高注曰：知猶見也。鴻烈脩務篇曰：奉一爵酒不知於色，竝與此同意。

### 髮漂

孟嘗君出行五國。今本脫五字，茲據初學記器用部所引補。下文小國所以皆致相印於君者，小亦五之誤。太平御覽人事部引此，正作五國。吳引春秋後語亦作五國。至楚獻象牀，郢之登徒直送之，不欲行。今本直下有使字，因與高注內登徒直使四字相涉而行，案高注曰：直當曰直使也。登徒直使不欲行，送象牀也。則正文內本無使字，下文直送象牀，直下亦無使字。今據太

平御覽人事服用二部所引刪見孟嘗君門人公孫戍曰臣邳之登徒

也直送象牀象牀之直千金傷此若髮漂賣妻子不足

償之鮑注曰漂飄同姚曰漂別本作標引之曰鮑讀漂

爲飄傷此若髮飄甚爲不詞今案漂讀爲秒髮秒皆言

其微細也說文曰律數十二秒而當一分十分而寸又曰十髮爲程一程爲分十分爲寸是髮秒皆

至微之物故大戴禮曾子天圖篇律厯迭相治也其說

閒不容髮史記自序作閒不容翮忽翮亦與秒同說

文秒禾芒也字或作稹又作稊通作飄又通作票鴻烈

天文篇秋分稊定稊定而禾孰律之數十二故十二稊

而當一粟十二粟而當一丈高注曰稊禾穗稊孚榆之

芒也古文作秒又主術篇寸生於稊今本譌作稊注曰稊禾

穗稌孚榆頭也。十稌爲一分，十分爲一寸。說苑辨物

篇，標作票。

今本譌作票。

又史記太史公自序，開不容翽忽，正

義曰：翽字當作秒秒，禾也。然則今本作漂，別本作標。鴻烈作稌，又作稌。史記作翽，說苑作票，皆秒之異文耳。

### 封衛之東野

今又劫趙魏，疏中國，封衛之東野。高注曰：封，取。鮑曰：封，割也。吳曰：封，疆之也。念孫案：高注訓爲取，則封爲割之譌也。上文然後王可以多割地，可以益割於楚。高注竝曰：割，取也。是其證。鮑、吳注皆失之。

後朞年下有脫文

後朞年齊王謂孟嘗君曰寡人不敢以先王之臣爲臣  
孟嘗君就國於薛念孫案文選荅東阿王書注引此曰  
後有毀孟嘗君於湣王孟嘗君就國於薛據此則後朞  
年下當有毀孟嘗君於湣王之事而今本脫去也蓋湣  
王聽讒是以使孟嘗君就國下文湣王爲書謝孟嘗君  
曰寡人沈於諂諛之臣開罪於君正謂此也史記孟嘗  
君傳載此事亦云齊王惑於秦楚之毀遂廢孟嘗君

歸反樸

獨知足矣歸反樸則終身不辱鮑於歸下補真字吳曰



上言大樸不完以喻士之形神不全故曰歸反樸云云  
文意甚明添字謬念孫案吳說是也足樸辱爲韻後漢  
書蔡邕傳注引作歸反於樸則終身不辱句法較爲完  
善

傳衛國城割平

咎者趙氏襲衛車舍人不休傳衛國城割平衛八門土  
而二門墮矣鮑讀不休傳爲句衛國城割平爲句注曰  
傳驛遽也平成也言城中割地求成念孫案鮑說甚謬  
傳當爲傳割當爲剛皆字之誤也草書剛字作割割字  
作刻二形相似而誤  
傳衛國爲句城剛平爲句傳衛國者傳附也言兵附於

國都故下文曰衛八門土而二門墮也隱十一年左傳曰公會齊侯鄭伯伐許庚辰傳于許是也城剛平者剛平邑名城此邑以偪衛若晉人城虎牢以偪鄭也秦策曰趙築剛平衛無東野芻牧薪采莫敢闕東門高注曰剛平衛地趙築之以爲邑是其證也下文曰衛君跣行告邇於魏魏王身被甲底劍挑趙索戰衛得是藉也亦收餘甲而北面殘剛平墮中牟之郭是趙城剛平以偪衛衛得魏之助因收餘甲而殘剛平也史記趙世家曰敬侯四年築剛平以侵衛卽此所謂城剛平也又曰五年齊魏爲衛攻趙取我剛平卽下文所謂殘剛平也

跼足

有而

與能同

案兵而後起寄怨而誅不直微用兵而寄於

義則亾天下可跼足而須也鮑注曰跼不伸也念孫案

訓跼爲不伸則與而須二字義不相屬今案跼與躄同

躄足舉足也兵以義動則無敵於天下故亾天下可舉

足而待也一切經音義十六引三蒼解詁曰躄舉足也

漢書高祖紀亾可躄足待也文穎曰躄猶翹也

史記高祖紀作

翹足商君傳亦曰亾可翹足而待

晉灼曰許慎云躄舉足小高也音僑

案今說文作楊雄長楊賦曰莫不躄足抗首請獻厥珍

躄跼聲相近故躄通作跼史記河渠書山行卽橋漢書

溝洫志橋作楫是其例矣

衍文十七

故夫善爲王業者在勞天下而自佚亂天下而自安諸  
侯無成謀則其國無宿憂也何以知其然自諸侯至此  
凡十七字皆  
涉下文佚治在我勞亂在天下則王之道也銳兵來則  
拒之患至則趨之使諸侯無成謀則其國無宿憂矣何  
以知其然也

有十二諸侯

衛鞅謀於秦王曰夫魏氏其功大而令行於天下有十  
二諸侯而朝天子其與必眾念孫案有十二諸侯有下

當有從字有讀爲又

戰國策通以有爲又史記漢書及諸子竝同

上文云又

從十二諸侯朝天子是也下文亦云今大王之所從十二諸侯今本無從字者後人誤讀有爲有無之有則與從字義不相屬因刪去從字耳

### 制丹衣柱建九旂

魏王說於衛鞅之言也故身廣公宮制丹衣柱建九旂從七星之旗此天子之位也而魏王處之鮑讀制丹衣柱爲句注曰以丹帛爲柱衣吳曰丹柱猶衣之也念孫案鮑吳二說皆謬制丹衣柱文不成義柱當爲旌字之誤也

旌字隸書或作柱與柱相似

旌字當在建字下制丹衣爲句建

旌九旂爲句

周官大行人曰建常九旂

若無旌字則建九旂三字亦

文不成義記言龍旂九旂而此言旌者旌旂對文則異

散文則通樂記曰龍旂九旒天子之旌是也廣公宮制

丹衣建旌九旂從七星之旗皆言其宮室衣服車旗之

擬於天子也

吳曰案考工記注龍旂九旂諸侯所建鳥

可以古制準也

### 感忿

故去忿恚之心而成終身之名除感忿之恥而立累世

之功念孫案上旣言忿恚下不當復言感忿荀子議兵

篇善用兵者感忽悠闇莫知其所從出楊倞曰感忽悠

闇皆謂倏忽之間也。魯連子曰：「弃感忽之恥，立累世之功。」所引魯連子，卽是遺燕將書之文。然則「感忽」當是「感忽」之譌。「忿」字隸書或作「忿」，形與「忽」相近，故「忽」譌爲「忿」。史記魯仲連傳作「去感忿之怨，立終身之名，棄忿悁之節」。定累世之功，「感忿」亦「感忽」之譌。考正義「忿」敷粉反之音，不在「感忿」之下，而在下文「忿悁」之下，則上文之本作「感忽」明矣。荀子解蔽篇：「凡人之見鬼也，必以其感忽之間。」鴻烈繆稱篇說之所不至者，容貌至焉。容貌之所不至者，「感忽」至焉。義與此「感忽」並相近。

單單

且自天地之闢、民人之治、爲人臣之功者、誰有厚於安平君者哉、而王曰單單、念孫案此衍一單字、下文今國已定、民已安矣、王乃曰單、鮑於單下補一單字、吳謂與前連舉不同、皆非也、上文曰周文王得呂尙、以爲太公、齊桓公得管夷吾、以爲仲父、今王得安平君而獨曰單、單字不連舉、此文卽承上言之、亦不當連舉也、

攻狄不能下壘枯邱

大冠若箕、脩劍拄頤、攻狄不能下、壘枯邱、姚曰晁改作壘於梧邱、說苑同、指武篇鮑曰大不能降一壘、小不能枯一邱、言無人物、吳曰吳氏韻補能叶年題反、邱叶去其



反廬陵劉氏讀壘枯邱謂空守一邱爲壘說苑攻狄不能下壘於梧邱齊景公田於梧邱地名也一本引北堂書鈔同地理部說苑無能字一本壘枯骨成邱通鑑從之各有不同似梧邱義長念孫案鮑劉說皆謬一本作壘枯骨成邱亦後人臆改此當從說苑作攻狄不下壘於梧邱於文爲順於義爲長今本說苑作攻狄不能下能字亦後人據齊策加之一本引說苑無能字者是義見下北堂書鈔引策文正與說苑同今策文作攻狄不能下能字因上文將軍攻狄不能下而誤衍耳韻補以能字絕句而以下壘連讀則文不成義矣

雍門司馬前

齊王建入朝於秦、雍門司馬前曰、所爲立王者、爲社稷

邪、爲玉邪、

今本爲王下有立王二字、因與上下文相涉而衍、今刪、

王曰、爲社稷、司

馬曰、爲社稷立王、王何以去社稷而入秦、齊王還車而反、念孫案、雍門司馬前、本作雍門司馬橫戟當馬前、今脫去橫戟當馬四字、北堂書鈔武功部戟類下、出橫戟當馬四字、下引戰國策曰、齊王建入朝於秦、雍門司馬橫戟當馬前、太平御覽兵部戟類所引亦如此、司馬橫戟當馬前而諫、故齊王還車而反、事相因而文亦相承也、

戰國策第一

戰國策第二

讀書雜誌二

高鄧王念孫

楚

虛辭

夫從人者飾辯虛辭高主之節行念孫案虛辭本作曼辭後人據史記張儀傳改之耳文選報任少卿書今雖欲自雕琢曼辭以自飾李善注如淳曰曼美也戰國策蘇秦曰當作張儀夫從人飾辯曼辭曼音萬據此則策文本作曼辭與史記異也

兩虎相搏



也老子曰猛獸不據攫身不搏鹽鐵論擊之篇曰虎兇相據而蝮蟻得志皆其證也今本史記作兩虎相搏蓋後人多聞搏少聞據故改據爲搏若本是搏字不得有戟音矣御覽文選注引楚策竝作據今本作搏亦是後人所改學者據徐廣之音以正史記并據御覽文選注所引以正楚策可也

遣使車 雞駭

乃遣使車百乘獻雞駭之犀夜光之璧於秦王念孫案遣使車百乘文不成義當作遣車百乘今本有使字者因上文使使臣獻書而誤衍也藝文類聚寶部引此有

使字亦後人依誤本戰國策加之其獸部引此無使字

又北堂書鈔政術部太平御覽人事部珍寶部獸部引

此俱無使字雞駭之犀當爲駭雞之犀楚辭九歎奔駭

雞於筐籠

今本作雞駭非洪興祖補注曰一作駭雞案御覽獸部引楚辭正作駭雞

王注曰

駭雞文犀也文選吳都賦駭雞之珍李善注引孝經援

神契曰神靈滋液則犀駭雞後漢書西域傳大秦國有

駭雞犀注引抱樸子曰通天犀有白理如縆者以盛米

置羣雞中雞欲往啄米至輒驚卻故南人名爲駭雞又

書鈔政術部類聚獸部引此策竝作駭雞

舊本書鈔出獻駭雞犀四

字注曰戰國策云楚王獻駭雞之犀於秦王陳禹誤改注文爲雞駭而正文尚未改

又御覽人事

部珍寶部獸部引此策亦作駭雞則北宋本尚不誤至南宋本始誤爲雞駭故楚辭補注所引與今本同

### 寡君

晉吳與楚戰於柏舉三戰入郢寡君身出大夫悉屬百姓離散念孫案寡君當爲君王此涉下芻冒勃蘇之詞而誤也芻冒勃蘇對秦王言之故稱寡君此是子華述昭王出奔之事當稱君王不當稱寡君也下文述蒙穀之事正作君王身出

### 雀立

芻冒勃蘇羸糧潛行七日而薄秦王之朝雀立不轉晝



吟宵哭鮑注曰雀立踊也引之曰鮑說甚謬雀當爲雀  
字之誤也雀與鶴同一切經音義卷二曰鶴古文作雀  
漢酸棗令劉熊碑雀鳴一震卽鶴鳴也鶴立謂竦身而  
立也文選求通親親表實懷鶴立企佇之心李善注引  
此策鶴立不轉初學記人事部太平御覽人事部引此  
竝與文選注同鴻烈脩務篇曰申包胥卽勞冒勃蘇鶴跼而  
不食晝吟宵哭皆其明證也

### 此蒙穀之功

此蒙穀之功多與存國相若念孫案此當爲比言比較  
其功與存國相等也後漢書李通傳注引此作校蒙穀

之功是其證。

至今無冒

吳與楚戰於柏舉三戰入郢。君王身出，大夫悉屬，百姓離散。蒙穀入宮，負離次之典，以逃於雲夢之中。昭王反郢，蒙穀獻典，五官得法，而百姓大治。比蒙穀之功多與存國相若，封之執珪，田六百畝。蒙穀怒曰：「穀非人臣，社稷之臣，苟社稷血食，余豈患無君乎？」遂自棄於磨山之中。至今無冒。鮑注曰：「冒，謂犯法，引之曰：『鮑說甚謬。』」冒當爲胄，字之誤也。冒，俗作冒，比胄字只少一筆。無胄，謂無後也。周語晉懷公無胄，韋注曰：「胄，後也。」

求反

寡人之得求反主墳墓復羣臣歸社稷也念孫案求當

爲來謂得來反於楚也隸書來字作來求字或作來

漢三

公山碑乃求道要本祖其原求字作來蕩陰令張遷碑紀行求本蘭生有芬求字作來二形相似

上下文又有求字故來譌爲求

逸周書周祝篇觀彼萬物且何爲來孟子離婁

篇舍館定然後來見長者乎史記李斯傳來丕豹公孫支於晉今本求字並譌作求鮑云求反國

而得此曲爲之說也太平御覽人事部引此正作來反

未涉

齊王大興兵攻東地

句伐昭常句

未涉疆秦以五十萬

臨齊右壤念孫案未涉下當有泗字寫者脫去耳疆當

爲彊字之誤也，彊秦二字，下屬爲句。

若以彊字上屬爲句，則文不成義。

此言齊興兵攻楚之東地，尚未涉泗，而彊秦已以五十萬臨其右壤也。史記楚世家齊潛王謂其相曰：「不若留太子以求楚之淮北。」齊策作蘇秦謂薛公曰：「君何不留楚太子以市其下東國？」高注：下東國，楚東邑近齊也。然則下東國卽淮北之地，亦卽此篇所謂東地五百里也。地在淮北，則爲泗水所經，故齊攻楚之東地必涉泗水也。

三日 因鬼見帝下有脫文

蘇秦之楚，三日乃得見乎王，談卒辭而行，曰：「楚國之食貴於玉，薪貴於桂，謁者難得見如鬼，王難得見如天帝。」

今令臣食玉炊桂，因鬼見帝，念孫案三日當作三月，藝文類聚火部，太平御覽飲食部及文選張協雜詩注引此竝作三月，據下文云，王難得見如天帝，則當作三月明矣，下文汗明見春申君，候聞三月而後得見，事與此同也，今令臣食玉炊桂，因鬼見帝，語意未了，其下必有脫文，類聚御覽文選注引此竝有其可得乎四字，當是也。

墨黑

彼鄭周之女，粉白墨黑，鮑注曰，黑言其髮，姚曰，別本作黛，黑，念孫案別本是也，說文，騰，畫眉也，王篇，黛，同騰，楚

辭大招及列子周穆王篇、鴻烈脩務篇並云粉白黛黑、郭璞子虛賦注、文選西都賦注、史記司馬相如傳正義、後漢書班固傳注、藝文類聚人部、太平御覽人事部、引策文並作粉白黛黑、

或謂楚王篇

或謂楚王曰、臣聞從者欲合天下以朝大王云云、念孫案此篇在第十七卷之首、而文選爲齊明帝讓宣城郡公表注、引此或謂楚王、作唐睢謂楚王、則合上卷末唐且見春申君曰云云爲一篇、是李善所見本、此處不分卷、而謂楚王之上、亦無或字也、

以其類爲招 倏忽之間墜於公子之手

黃雀俯囓白粒，仰棲茂樹，鼓翅奮翼，自以爲無患，與人

無爭也，不知夫公子王孫，左挾彈，右攝丸，將加已乎十

仞之上，以其類爲招，晝遊乎茂樹，夕調乎酸鹹，倏忽之

間，墜於公子之手，念孫案以其類爲招，類當爲頸字之

誤也，招，昀也，言以其頸爲準，昀也。呂氏春秋本篇曰：萬人操弓，共射一招。

高注：招，厚昀也，別類篇曰：射招者，欲其中小也。文選阮籍諫懷詩注引此作以

其頸爲昀，藝文類聚鳥部，太平御覽羽族部，並引此云：

左挾彈，右攝丸，以加其頸。姚曰：春秋後語云：以其頸爲

昀，昀或爲招。以上姚校本語。招，昀古聲相近，故字亦相通也。凡從

勺聲之字古音皆屬宵部故明從勺聲而通作招說文  
約從木勺聲甫搖切庖從尤勺聲玉篇平交力弔二切  
皆其倏忽之間墜於公子之手姚云三同集無此十字  
例也曾云一本有念孫案無此十字者是也一本有者後人  
妄加之耳夕調乎酸鹹謂烹之也既烹之矣何又言倏  
忽之間墜於公子之手乎下文說黃鵠之事至晝遊乎  
江河夕調乎鼎鼐以下更不贅一語此獨於夕調乎酸  
鹹之下加二語以成蛇足甚無謂也文選詠懷詩注及  
藝文類聚太平御覽引戰國策竝無此十字新序雜事  
篇亦無此十字

鮓鯉



黃鵠俯噉鱣鯉、仰嚙陵衡、鮑改鱣爲鱣、云字書無鱣字、  
念孫案鱣鯉當從新序作鯉、小雅周頌皆以鯉鯉連  
文、鮑失考而改鱣爲鱣、謬矣、類聚鳥部、御覽羽族部、引  
此竝作鯉鯉、

禕布與縣 莫知媒兮 嫫母求之又甚喜之  
兮 詩曰上天甚神無自療也

孫子爲書謝春申君因爲賦曰、寶珍隋珠、不知佩兮、禕  
布與縣、不知異兮、閭姝子奢、莫知媒兮、嫫母求之、又甚  
喜之兮、以瞽爲明、以聾爲聰、以是爲非、以吉爲凶、嗚呼  
上天、曷惟共同、詩曰、上天甚神、無自療也、自寶珍隋珠

至易惟其同、皆出荀子賦篇、韓詩外傳亦同、襍布與縣、姚云、襍、孫作襍、鮑改爲襍衣、與絲、注云、禮后服襍衣、念

孫案鮑說甚謬、孫朴本作襍、是也、荀子及外傳竝作襍

布與錦、此策錦作縣、蓋錦譌爲綿、轉寫爲縣、又譌爲縣

耳、隸書縣字或作縣、縣字或作縣、二形相似、故縣譌作

耳、縣、漢縣竹、令王君神道縣字作縣、是其證也、鴻烈本經篇、縣、縣、房植、史記孝文紀、曆、日縣長、今本縣字竝譌作縣、襍布與錦、不知別異言

美惡不分也、莫知媒、當從荀子外傳作莫之媒、之與知

又與上文兩不言無人爲之媒也、嫫母求之、又甚喜之、知相涉而誤、

荀子外傳竝作嫫母、力父是之喜、荀子一本此策求之

二字、未詳何字之譌、又、卽父之譌也、篆文父字作父、又

字作父、二形相似

甚喜之當從荀子外傳作是之喜言惟嬖母力父是喜

也是與甚字之誤隸書是字作是甚字或作是二形相

功者而譙之齊語其作是此因其譌爲甚管子小匡篇擇其寡

也韓詩外傳詩曰瞻彼日月悠悠我思道之云遠曷云

能來急時辭也是故稱之日月也說苑辯物篇作甚焉

故稱日月也漢書司馬相如傳閑雅甚都史記甚作是

說文匙是少也从是之喜與莫之媒相對爲文喜讀平

聲與媒爲韻也堯典庶績熙熙湯維劇秦美新及膠東

子嘻嘻釋文曰陸作喜喜爾雅熙熙與也學記正義引

作歆喜興也晉語妹喜楚辭天問作妹嬉呂氏春秋愼

大篇漢書古今荀子無詩曰以下三句外傳有之外傳

人表並作末嬉

每章之末必引詩爲證若戰國策則無此例也詩曰以

下三句蓋後人取外傳附益之耳又案苑柳之詩曰上

帝甚蹈、無自療焉。毛傳曰：蹈，動也。正義曰：言王心無恒  
數變動也。此引詩上帝作上天，因與上文嗚呼上天相  
涉而誤。甚蹈作甚神，神者，惛之壞字。故外傳引詩作上  
帝甚惛。一切經音義五曰：詩云，上帝甚陶。陶，變也。義與  
毛傳孔疏同。陶，惛也。古同聲而通用也。療，焉作療也。亦  
是傳寫之誤。外傳亦作療焉。集傳據此策，遂謂詩之蹈字當作  
神，竊所未安。

### 大息

汗明見春申君，談卒，春申君大說之。汗明欲復談，春申  
君曰：僕已知先生，先生大息矣。鮑注曰：異於小休。念孫

案鮑說甚謬先生息矣猶孟嘗君言先生休矣息上不  
當有大字此因上文大字而誤衍耳太平御覽人事部  
引此無大字

楚君雖欲攻燕將道何哉

所道攻燕非齊則魏魏齊新怨楚楚君雖欲攻燕將道  
何哉鮑改楚君爲楚軍念孫案君字屬上下文而誤衍  
耳鮑改非也將道何哉當作將何道哉道從也見禮言  
楚欲攻燕兵何從出也置道字於何字之下則文不成  
義矣

趙

董闕安于

夫董闕安于簡主之才臣也、念孫案闕與安一字也、定  
十三年左傳、及晉語、呂氏春秋愛士篇、史記趙世家、漢  
書古今人表、竝作董安于、韓子十過篇及鴻烈道應篇  
竝作董闕于、是闕于卽安于也、安與焉古同聲而通用、  
闕于之爲安于、猶闕逢之爲焉逢也、爾雅大歲在甲曰闕逢、釋文闕、易割  
反、又於虔反、史記厯書作焉逢、今作董闕安于者、一本作闕、一本作安、  
而後人誤合之耳、

君之不用也

知遇見君之不用也、言之不聽、出更其姓爲輔氏、念孫

案君之不用、言之不聽、語意相複、此本作知過見言之不聽、其君之不用也、五字衍文耳、文選爲曹公與孫權書注、後漢書蘇竟傳注、引此竝作智果見言之不聽、韓子十過篇作智過見其言之不聽也、皆無君之不用句、

報知氏之讎

士爲知己者、死、女爲悅己者、容、吾其報知氏之讎矣、念孫案之、讎二字、後人所加也、吾其報知氏者、承上爲知己者、死言之、謂報知氏之恩、非謂報知氏之讎也、下文曰、知伯以國士遇臣、臣故國士報之、又曰、而可以報知伯矣、竝與此句同義、後人以下文多言爲知伯報讎、故

加之讎二字不知彼自言報讎此自言報恩也史記刺客傳曰今智伯知我我必爲報讎而死以報智伯此雖兼報讎言之而報智伯三字仍謂報恩非謂報讎也太平御覽人事部引此策有之讎二字則所見本已誤文選報任少卿書注引此正作吾其報知氏矣

### 吞炭爲啞

豫讓漆身爲厲滅須去眉自刑以變其容又吞炭爲啞變其音史記作漆身爲厲吞炭爲啞念孫案此策原文本作又吞炭以變其音今本爲啞二字乃後人據史記加之也不知爲啞卽是變其音故戰國策言變音而不



言爲啞、史記言爲啞而不言變音也、史記索隱引此策曰、豫讓吞炭以變其音、呂氏春秋恃君篇曰、豫讓滅須去、自刑以變其容、又吞炭以變其音、鴻烈主術篇曰、豫讓漆身爲厲、吞炭變音、皆其明證也、

曲吾

今魯句注、魯字義未詳、鮑據史記改爲諭、禁常山而守、三百里、通於燕之唐、曲吾、鮑改曲吾爲曲遇、吳曰、吾當作逆、史注、中牟曲遇、鄭州縣、非此所指、按齊策權之難章云、燕戰勝具罷、趙可以取唐、曲逆、唐卽唐縣、曲逆、蒲陰縣、竝屬中山、此曲下必逆字也、念孫案、吳說是矣、而未盡也、釋名

曰逆還也

還音

還不從其理則生般還不順也韓詩外

傳曰孔子出衛之東門逆姑布子卿逆與還同是逆字

古讀若還

逆從並聲並與還古亦同聲故並從並聲而還又從置聲廣從並聲而游游又從廣聲也

與吾聲相近故曲逆或作曲吾不煩改吾爲逆也

逆與吾形

不相似若非古聲相通逆字無緣誤作吾也

### 城市之邑七十

馮亭陰使人請趙王曰韓不能守上黨今有城市之邑

七十願拜內之於王吳曰七十史作十七下同念孫案

作十七是也秦策曰上黨十七縣皆秦之有也是其證

未見一城

夫用百萬之眾攻戰踰年歷歲未見一城也念孫案見  
當爲昇昇古得字形與見相近因譌爲見說見經義述聞周語見神  
下下句曰今不用兵而得城七十卽其證也史記趙世家  
家正作未得一城

### 外賓客

是以外賓客遊談之士無敢盡忠於前者鮑注曰外疏  
之也姚曰錢劉去賓字念孫案外賓客遊談之士句法  
頗累錢劉去賓字是也外客謂外來之客鮑云疏之非  
是史記蘇秦傳作賓客游士此作外客遊談之士文本  
不同今本作外賓客遊談之士者後人據史記旁記賓

字因誤入正文耳楊倞注荀子臣道篇引此有賓字則  
所見本已誤文選蜀都賦注上吳王書注引此竝無賓  
字今據以訂正

齊涉渤海

秦攻趙則韓軍宜陽楚軍武關魏軍河外齊涉渤海燕  
出銳師以佐之念孫案齊之救趙無煩涉渤海史記渤  
海作清河是也蘇秦說齊王曰齊面有清河說趙王曰  
趙東有清河是清河不涉趙之間齊趙相救必涉清河  
齊趙相攻亦必涉清河張儀說齊王曰大王不事秦秦  
悉趙兵涉清河指博關說趙王曰今秦告齊使興師度

清河軍於邯鄲之東皆是也今作渤海者因上文有齊

涉渤海而誤

上文曰秦攻燕則趙守常山楚軍武關齊涉渤海韓魏出銳師以佐之渤海在燕齊

之閒故齊之救燕必涉渤海也

### 以王因饒中山

我約三國而告之以未構中山也

構與講同

三國欲伐秦之

果也必聽我欲和我中山聽之是我以王因饒中山而

取地也鮑改王因爲三國注曰饒益也以三國欲和我

故益得取地於中山念孫案改王因爲三國是也饒中

山三字連文若訓饒爲益則是以三國益中山斯爲謬

矣今案饒當爲撓字之誤也撓如撓亂我同盟之撓以

三國撓中山而講則中山不得不聽不得不割地故曰  
中山聽之是我以三國撓中山而取地也魏策曰今韓  
受兵三年矣秦撓之以講韓知亡猶弗聽是其證

馬服之子 趙以亡敗之餘眾收破軍之敝守

夫以秦將武安君公孫起乘七勝之威而與馬服之子  
戰於長平之下念孫案馬服之子本無之字後人以趙  
括爲趙奢之子因加之字耳不知當時人稱趙括爲馬  
服子沿其父號而稱之也馬服子猶言馬服君秦策君  
禽馬服君乎史記白起傳作馬服子韓世家曰秦殺馬  
服子卒四十餘萬於長平皆其證也太平御覽兵部引

此策正作馬服子又下文趙以亡敗之餘眾收破軍之  
敝守亡敗當爲七敗上言秦七勝故此言趙七敗下文  
曰今七敗之禍未復是也亡七字相近故七譌爲亡此  
時趙猶未亡不得言亡敗之餘眾也敝守二字文不成  
義此本作趙以七敗之餘收破軍之敝敝亦餘也收破  
軍之敝所謂收合餘燼也周官職幣掌式法以斂官府  
都鄙與凡用邦財者之幣鄭注曰幣謂給公用之餘齊  
諸戎車待游車之裂戎士待陳妾之餘韋注曰裂殘也  
謂殘餘也爾雅烈  
餘也烈與裂通管子小匡篇作戎車待游車之弊敝  
幣弊字異而義同守字因下文數守字而衍後人因於

上句加厭字以成對文耳御覽引此作趙以十敗之餘  
上文七勝御覽亦作十勝收破軍之弊無厭守二字

與秦城何如不與何如

秦攻趙於長平大破之引軍而歸因使人索六城於趙而講趙王與樓緩計之曰與秦城何如不與何如念孫案此以與秦城爲句何如不與爲句不與下本無何如二字齊策田侯召大臣而謀曰救趙孰與勿救猶此言與秦城何如不與也廣雅與如也孰與猶何如也故鄒忌對曰不如勿救後人誤讀與秦城何如爲句因於不與下加何如二字而不知其謬也太平御覽人事部引此作與秦地何如勿與



久居若圍城之中

魯連見新垣衍辛垣衍曰吾視居此圍城之中者皆有求於平原君者也今吾視先生之玉貌非有求於平原君者曷爲久居若圍城之中而不去也鮑據上文及史記魯仲連傳改若爲此吳云若疑居字訛衍念孫案鮑之改吳之疑皆非也若猶此也隱四年公羊傳公子翬恐若其言聞乎桓謂此其言也莊四年傳有明天子則襄公得爲若行乎謂此行也論語公冶長篇君子哉若人謂此人也占字或兼數義後人不能徧識或改之或刪之而古義浸亡矣

魏魑

魏魑謂建信君吳曰魑一本作魑楚辭九魑北斗星名

念孫案說文玉篇廣韻集韻類篇皆無魑字魑當爲魑

魑隸或作魑

漢楊君石門頌奉魑承均魑卽魑字斗其字隸書作什或作斤故魑字或作魑

右畔與介字相近故譌而爲魑吳云一本作魑楚辭九  
歎訊九魑與六神魑一作魑皆其證也文選陳琳檄吳  
將校部曲文注引此正作魏魑鮑不達而改爲魑字斯  
爲謬矣

孝成王方饋不墮食

齊人李伯見孝成王成王說之以爲代郡守而居無幾

何人告之反孝成王方饋不墮會鮑注曰饋餽同方會而祭不墮失匕筮吳曰墮祭會猶放下也見儀禮墮許規反念孫案鮑吳二說皆非也高注鴻烈詮言篇曰饋進會也又注呂氏春秋必已篇及鴻烈說林脩務二篇竝曰墮廢也此言孝成王方進會聞告反之言而不爲之廢會耳饋非謂祭墮亦非儀禮墮祭之墮也

秦按兵攻魏

臣謂奉陽君曰天下事秦秦堅三晉之交攻齊國破財屈而兵東分於齊秦按兵攻魏敢安邑念孫案秦按兵攻魏兵字後人所加也秦按攻魏者按語詞猶言於是

也言秦使三晉攻齊國破財屈而兵分秦於是攻魏取安邑則三晉不能救也下文曰秦行是計也君按救魏是以攻齊之已弊與秦爭戰也又曰天下事秦秦按爲義存亡繼絕固危扶弱秦按攻魏君按救魏秦按爲義三按字義竝同也按字或作案又作安又作焉荀子勸學篇上不能好其人下不能隆禮安特將學雜識志順詩書而已耳楊倞曰安語助或作安或作案荀子多用此字禮記三年問作焉戰國策謂趙王曰秦與韓爲上交秦禍案移於梁矣秦與梁爲上交秦禍案攘於趙矣

見趙策

呂氏春秋吳起謂商文曰今日置質爲臣其主安

重釋璽辭官其主安輕

見執一篇

蓋當時人通以安爲語助

念孫案字之作案者戰國策荀子而外又見於逸周書

武寤篇曰約期于牧案用師旅商不足滅分禱上下

其作安者戰國策荀子呂氏

春秋而外又見於國語

吳語曰王安挺志一日惕一日

名而管子

大匡篇曰必足三年之食安以其餘脩兵革

去之管子

地員篇曰其陰則生之查黎其陽安樹之五

麻又曰

率木安逐條長數大又曰墨子非樂篇曰然即

擊鳴鼓

彈琴瑟吹竽笙而揚干戚民衣食之財將安可

得而具乎

即我以爲未必然也又曰然即當爲之撞巨

鍾擊鳴鼓

彈琴瑟吹竽笙而揚干戚天下之其作焉者

則禮記三年問而外見於經史諸子者甚多見釋後人

不知按爲語詞而於按下加兵字按兵與攻魏連文而

其義遂不可通矣。

燕郭之法 桑雍

燕郭之法，有所謂桑雍者。吳曰：一本標劉本作郭偃之法。晉掌卜大夫郭偃，乃卜偃也。念孫案：燕字當在郭字下。燕偃聲相近。郭燕之法，卽郭偃之法。商子更法篇引郭偃之法云云，是其證也。桑雍，姚曰：桑，曾作柔。下文所謂桑雍者，便辟左右之近者。及夫人優愛孺子也。此皆能乘王之醉昏而求所欲於王者也。姚曰：桑雍，劉作柔癰。念孫案：作柔癰者是也。癰卽癰疽之癰。便辟左右夫人孺子，皆柔媚其君以爲患於內，故曰柔癰。癰雍，字之

通柔桑字之誤耳。鮑吳說桑雍之義皆不得其解而爲之辭。

觸讐 揖之

太后明謂左右有復言令長安君爲質者老婦必唾其面左師觸讐願見太后太后盛氣而揖之吳曰觸讐姚云一本無言字史亦作龍案說苑敬慎篇魯哀公問孔子夏桀之臣有左師觸龍者諂諛不正人名或有同者此當從讐以別之念孫案吳說非也此策及趙世家皆作左師觸龍言願見太后今本龍言二字誤合爲讐耳太后聞觸龍願見之言故盛氣以待之若無言字則文義

不明、據姚云、一本無言字、則姚本有言字明矣、而今刻姚本亦無言字、則後人依鮑本改之也、漢書古今人表正作左師觸龍、又荀子議兵篇注曰、戰國策趙有左師觸龍、太平御覽人事部引此策曰、左師觸龍言願見、皆其明證矣、又荀子臣道篇曰、若曹觸龍之於紂者、可謂國賊矣、史記高祖功臣侯者表、有臨轅夷侯戚觸龍、惠景閒侯者表、有山都敬侯王觸龍、是古人多以觸龍爲名、未有名觸讐者、太后盛氣而揖之、吳曰、揖之、史云胥之、當是、念孫案吳說是也、集解曰、胥猶須也、御覽引此策作盛氣而須之、隸書胥字作胥、因譌而爲聿、後人又



加手旁耳下文言入而徐趨則此時觸龍尚未入太后無緣揖之也

有所卻

而恐太后玉體之有所卻也故願望見太后鮑注曰恐太后不能前念孫案鮑未解卻字之義卻字本作卻讀如煩勦之勦謂疲羸也言恐太后玉體之疲羸故願望見也廣雅困疲羸券考工記勦人注曰券今倦字也卻極也皆謂困極也漢書司馬相如傳子虛賦微飢受詘蘇林曰飢音倦飢之飢郭璞曰飢疲極也又上林賦與其窮極倦飢郭璞曰窮極倦飢疲憊也方言曰飢倦也倦亦與說文曰倦同

御微御受屈也。御餽御卻。竝字異而義同。趙世家作恐太后體之有所苦也。苦與卻同義。則卻爲倦御之御明矣。

戰國策第二

戰國策第三

讀書雜誌二

高鄧王念孫

魏

適秦

夫虧楚而益魏攻楚而適秦內嫁禍安邦

張儀傳無內字

此善

事也。鮑解適秦曰：適猶歸。念孫案：攻楚而歸秦，殊爲不詞。鮑說非也。今案：適者，悅也。言攻楚而悅秦也。一切經音義六引三蒼曰：適，悅也。上文云：秦之所欲弱，莫如楚，而能弱楚者，莫如魏。故魏攻楚，卽所以悅秦。韓策：張儀說韓王曰：夫攻楚而私其地，轉禍而說秦，計無便於此。

者是其證

反於楚王

張儀惡陳軫於魏王曰軫善事楚爲求壤塗也甚力左  
華謂陳軫曰公不如以儀之言爲資而反於楚王陳軫  
曰善因使人先言於楚王鮑解反於楚王曰反言報之  
念孫案鮑說非也以儀之言爲資而反於楚楚下本無  
王字此因下有楚王而誤衍耳陳軫去楚適魏而張儀  
惡之於魏王謂其善事楚爲之求地軫卽令人以此言  
聞於楚王使楚王喜而復之以上疏見楚策故曰以儀之言爲  
資而反於楚反訓爲歸非訓爲報楚策記此事曰公不

如以儀之言爲資而得復楚是其證

東夷之民不起

黃帝戰於涿鹿之野而面戎之兵不至禹攻三苗而東夷之民不起鮑改起爲赴念孫案鮑改非也不起者謂不起兵以應禹也下文曰以燕伐秦黃帝之所難也而臣以與已同致燕甲而起齊兵矣卽其證

令儀狄

管者帝女令儀狄作酒而美進之禹姚曰一本無令字念孫案一本是也儀狄卽帝女之名不當有令字文選七啟七命注及太平御覽飲食部引此皆無令字

二二二二二  
二  
皋子

秦蠶食魏盡晉國戰勝皋子割八縣史記穰侯傳皋子  
作皋子徐廣曰韓將皋莢念孫案作皋者是也史記秦  
本紀昭襄王三十二年相穰侯攻魏至大梁破皋莢韓  
世家釐王二十一年使皋莢救魏莢與同爲秦所敗卽此  
所謂戰勝皋子者也此策作皋子者說文皋啼也皋疾  
有所趣也此策皋子之皋蓋本作皋字隸省作皋漢武  
守李翁面狹頰強不皋莢卽皋字又省作皋形與皋字  
也皋之省作皋猶皋之省作皋相相似俗書皋字作皋故皋子譌爲皋子矣

伐魏之事不便

伐魏之事不便、魏雖刺髡于王何益、若誠不便、魏雖封  
髡于王何損、鮑注上三句曰、伐魏不便、魏所欲也、而髡  
止之、故魏刺之、雖刺髡而齊實不便、非益也、此設辭也。  
吳曰、鮑強注終不通、愚案伐魏之事不便、當無不字義。  
乃通念孫案、吳說是也、藝文類聚寶玉部、太平御覽珍  
寶部、引此竝作伐魏之事便、魏雖刺髡於王何益。

道涉山谷 危隘

伐楚道涉山谷行三千里、而攻危隘之塞、念孫案、道涉

山谷、山字後人所加也、危當爲𨾏字之誤也。

草書危字作𨾏、𨾏字

作危、二形相似、故通誤爲危。

涉谷地名也、道從也。

上文曰、道河內、倍鄴、朝歌、下文曰、道

河外倍大梁義竝與道涉谷同韓策曰道於南鄭藍田以入攻楚大荒而經風道北來郭璞曰道猶從也引韓子十過篇曰元鶴言秦師伐楚從涉谷行三千里而攻

二入道南方來

鼂隘之塞也鼂音旨案今之平靖關在信陽州應山縣之閒其地即古之鼂隘也定四年左傳作

冥隄韓策作鼂隘燕策作酈隘史記魏世家曰伐楚道楚策謂之鼂塞竝字異而義同

涉谷

汲古閣所刊索隱單行本如此別本有山字乃後人依誤本戰國策加之考索隱正義皆無此字

行三千里而攻冥隄之塞索隱曰道猶行也涉谷是往

楚之險路正義引劉伯莊音義曰秦兵向楚有兩道涉

谷是西道河外是東道皆其證也後人不知道訓爲從

而誤以爲道路之道又不知涉谷爲地名而誤以涉爲

跋涉之涉故妄加山字以增成其義耳



王曰不敢 王曰不能

長平之役平都君說魏王曰王胡不爲從魏王曰秦許  
吾以垣雍平都君曰臣以垣雍爲空割也魏王曰何謂  
也平都君曰秦趙久相持於長平之下而無決天下合  
於秦則無趙合於趙則無秦秦恐王之變也故以垣雍  
餌王也秦戰勝趙王敢責垣雍之割乎王曰不敢秦戰  
不勝趙王能令韓出垣雍之割乎王曰不能臣故曰垣  
雍空割也魏王曰善念孫案王曰不敢王曰不能兩王  
字皆後人所加也曰不敢曰不能皆平都君之語與上  
文自爲問荅是以秦戰不勝趙上臣故曰上皆無曰字

而魏王荅平都君之語則必加魏王曰三字以別之也  
後人誤以不敢不能爲魏王荅語故於日上加王字耳  
論語懷其寶而迷其邦可謂仁乎曰不可好從事而亟  
失時可謂知乎曰不可皆陽貨自爲問荅之語是以好  
從事及日月逝矣之上皆無曰字而孔子荅陽貨之語  
則加孔子曰三字以別之正與此同也詳見四書釋地史記孔  
子世家楚昭王將以書社地七百里封孔子令尹子西  
曰王之使使諸侯有如子貢者乎曰無有王之輔相有  
如顏回者乎曰無有王之將率有如子路者乎曰無有  
王之官尹有如宰予者乎曰無有且楚之祖封於夙號

爲子男五十里。今孔某述三五之法。明周召之業。王若  
用之。則楚安得世世堂堂方數千里乎。以上四問四荅。  
及且楚之始封云云。皆子而一人之語。留侯世家。張良  
對漢王曰。昔者湯伐桀而封其後於杞者。度能制桀之  
死命也。今陛下能制項籍之死命乎。曰。未能也。其不可  
一也。武王伐紂。封其後於宋者。度能得紂之頭也。今陛  
下能得項籍之頭乎。曰。未能也。其不可二也。武王入殷  
表商容之間。釋箕子之拘。封比干之墓。今陛下能封聖  
人之墓。表賢者之間。式智者之門乎。曰。未能也。其不可  
三也。發鉅橋之粟。散鹿臺之錢。以賜貧窮。今陛下能散

府庫以賜貧窮乎曰未能也其不可四矣殷事已畢偃  
革爲軒倒置干戈覆以虎皮以示天下不復用兵今陛  
下能偃武行文不復用兵乎曰未能也其不可五矣休  
馬華山之陽示以無所爲今陛下能休馬無所用乎曰  
未能也其不可六矣放牛桃林之陰以示不復輸積今  
陛下能放牛不復輸積乎曰未能也其不可七矣以上  
七問七荅皆張良一人之語亦與此同也墨子耕柱篇  
和氏之璧隋  
侯之珠三棘六異此諸侯之所謂良寶也  
可以富國家  
智弗若與曰非然也亦  
是一人之語自爲問荅

衣焦不巾頭塵不去

季梁衣焦不申頭塵不去鮑注曰行路犯風曰故焦焦故不申吳曰焦卷也念孫案吳說近之焦讀爲癯廣雅癯縮也曹憲音子笑反謂衣縮而不申之也頭塵不去吳曰文選去作浴阮籍詠懷詩注念孫案作浴者是也凡從谷從去之字隸書往往相亂隸書去字或作公形與谷相似易致譌舛廣雅渡去也去譌作谷祛開也祛譌作裕皆其類也此是浴字譌爲法春秋精諭篇作法室後人因改爲去耳

### 請出面說秦

唐且謂魏王曰老臣請出面說秦令兵先臣出可乎念孫案請下不當有出字此涉下文出字而誤衍耳史記

魏世家新序雜事篇俱無出字藝文類聚人部太平御覽人事部引策文亦無

誤

魏王與龍陽君共船而釣龍陽君得十餘魚而涕下王曰何爲涕出對曰臣之始得魚也臣甚喜後得又益大今臣直欲棄臣前之所得矣今以臣凶惡而得爲王拂枕席今臣爵至人君走人於庭辟人於途四海之內美人亦甚多矣聞臣之得幸於王也必褰裳而趨王臣亦猶曩臣之所得魚也

今本所上有前字案曩卽前也上既言曩下不得復言前此因上文

臣前之所得而誤行耳藝文類聚人部太平御覽資產部及文選阮籍諫懷詩注陸厥中山王孺子妾歌注引

此並前字臣亦將棄矣臣安能無涕出乎魏王曰誤有是  
心也何不相告也鮑注曰以不告爲誤吳曰誤字當句  
然恐是謔字譌引之曰吳以誤爲謔之譌近之然誤與  
謔字不相似謔字無緣譌作誤誤當爲謔形近而譌也  
矣字隸或作矣吳字隸或作吳二形相似故誤譌爲誤漢書韋賢傳注曰謔歎聲  
音許其反是謔與謔同

韓

大成午從趙來謂申不害於韓

大成午從趙來謂申不害於韓日子以韓重我於趙請  
以趙重子於韓念孫案大成午從趙來來字後人所加

也大成午從趙謂申不害於韓作一句讀謂大成午在趙申不害在韓而大成午寄言於申不害非謂從趙來韓而與之言也後人不曉文義故於從趙下加來字耳韓子內儲說篇正作大成午從趙謂申不害於韓

甯爲雞口無爲牛後

臣聞鄙語曰甯爲雞口無爲牛後姚曰顏氏家訓引作甯爲雞尸不爲牛從鮑曰沈括辨以爲雞尸牛從今案秦稱牛後蓋以惡語侵韓故昭王怒而從之雞尸牛從誤也吳曰索隱引延篤云甯爲雞尸不爲牛從尸雞中主也從牛子也沈說亦有所本念孫案顏氏家訓書證



篇曰太史公記曰甯爲雞尸無爲牛後案延篤戰國策  
音義曰尸雞中之主從牛子然則尸當爲尸後當爲從  
俗寫誤也文選爲曹公與孫權書晉蘇秦說韓羞以牛  
從

李善本如此今本作牛後乃後人依五臣本改之

李善注曰戰國策甯爲雞

尸不爲牛從延叔堅注曰尸雞中主也從牛子也從或  
爲後非也是策文本作甯爲雞尸不爲牛從故顏李小  
司馬所引竝同而今本作甯爲雞口無爲牛後則後人  
依史記改之也史記作雞口牛後亦傳寫之誤顏氏已  
辨之矣又案蘇秦說趙王曰臣人之與臣於人也豈可  
同日而言之哉雞尸喻臣人也牛從喻臣於人也故下

文曰交臂而臣事秦何以異於牛從乎而史記正義乃云雞口雖小猶進食牛後雖大乃出糞其說甚爲迂曲鮑襲取其義謂蘇秦以惡語侵韓謬矣

虎擊 貫頤

秦帶甲百餘萬車千乘騎萬匹虎擊之士跽跼科頭貫頤奮戟者至不可勝計也念孫案史記張儀傳虎擊作虎賁是也此蓋賁譌爲贊又譌爲擊耳太平御覽兵部引此策正作虎賁之士楚策亦云秦虎賁之士百餘萬車千乘騎萬匹鮑吳皆讀擊爲前有擊獸之擊鮑又改擊爲贊望文生義近於皮傳矣跽跼科頭貫頤奮戟史記索隱

曰貫頤謂兩手捧頤而直入敵鮑曰貫人之頤吳曰鮑說與上文不類索隱以貫頤爲捧頤亦不通劉辰翁云貫頤謂見射猶奮戟不顧歟也則此連下文奮戟爲義引之曰諸說皆有未安貫讀爲彎弓之彎史記伍子胥傳伍胥貫弓執矢嚮使者索隱曰劉氏音貫爲彎謂滿張弓也陳涉世家贊士不敢貫弓而報怨漢書作彎是貫卽彎也頤弓名也廣韻作彊音與頤同云弓名出韻畧古無彊字偕頤爲之耳彎弓奮戟事同一類史記集解曰踰跽音徒俱跳躍也科頭謂不著兜鍪入敵踰跽科頭而彎弓奮戟言士之勇也

馳南陽之地

秦攻陘韓使人馳南陽之地秦已馳又攻陘韓因割南陽之地秦受地又攻陘陳軫謂秦王曰國形不便故馳交不親故割今割矣而交不親馳矣而兵不止臣恐山東之無以馳割事王者矣鮑解馳南陽之地曰馳反走示服也解秦已馳曰馳進也韓避之而秦進也念孫案鮑說甚謬馳讀爲移移易也謂以南陽之地易秦地也下文曰國形不便故馳謂兩國之地形不便故交相易也竹書紀年梁惠成王十一年及鄭馳地我取枳道與鄭鹿馳地謂易地也馳字或作施而皆讀爲移

管子國蓄篇今

君衛錢立幣民庶之通施也輕重甲篇施作移荀子儒效篇充虛之相施易也漢書衛綰傳匈奴人之所施易施字竝讀下文曰公戰勝楚遂與公乘楚易三川而歸史

為移、記韓世家易作施

正義以施為張設非是說見史記

田完世家曰請與

韓地而王以施三川施竝與移同字又作弛韓子內儲

說篇曰應侯謂秦王曰上黨之安樂其處甚勗臣恐弛

之而不聽奈何王曰必弛易之矣弛亦與移同

集韻弛余支切

改易也

縱韓為不能聽我

秦韓戰於濁澤韓氏急公仲朋謂韓王曰今秦之心欲伐楚王不如因張儀為和於秦賂之以一名都與之伐

楚此以一易二之計也韓王曰善乃倣公仲之行將面  
謁於秦楚王聞之大恐召陳軫而告之陳軫曰王聽臣  
爲之倣四竟之內選師言救韓令戰車滿道路發信臣  
多其車重其幣使信王之救已也縱韓爲不能聽我姚本  
是韓必德王也必不爲鴈行以來是秦韓不和兵雖至  
楚國不大病矣爲能聽我絕和於秦秦必大怒以厚怨  
於韓韓得楚救必輕秦輕秦其應秦必不敬是我因秦  
韓之兵而免楚國之患也念孫案縱韓爲不能聽我鮑  
本無縱字是也韓爲不能聽我爲能聽我爾爲字並與  
如字同義言韓如不能聽我則韓必德我而不爲我首

如能聽我而絕秦則韓必代楚受兵也古或謂如曰爲  
秦策曰中國無事於秦則秦且燒炳獲君之國中國爲  
有事於秦則秦且輕使重幣而事君之國言中國如有  
事於秦也又曰爲我葬必以魏子爲殉言如我葬也齊  
策曰楚大勝齊其良士選卒必燼齊爲勝其良士選卒  
亦燼言齊如勝也楚策曰子爲見王則必拚子鼻言子  
如見王也魏策曰痤有御庶子公孫鞅願王以國事聽  
之也爲弗能聽勿使出竟言如弗能聽也管子戒篇曰  
夫江黃之國近於楚爲臣从乎君必歸之楚而寄之言  
如臣从也呂氏春秋異寶篇曰爲我从王則封女女必

無受利地言如我从也姚本作縱韓爲不能聽我者後人不解爲字之義故據史記加縱字不知爲與如同義若加縱字則與爲字義不相屬矣史記韓世家作縱韓不能聽我無爲字則縱字之義可通然據索隱單行本亦無縱字

書報韓王

尚靳歸書報韓王鮑讀尚靳歸書爲句注日以書歸念孫案鮑說非也此本作尚靳歸報韓王謂靳自秦歸以宣太后之言報韓王也歸下不當有書字太平御覽兵部人事部引此皆無書字



因也

韓咎立爲君而未定也其弟在周周欲以車百乘重而送之恐韓咎入韓之不立也蔡母恢曰不如以百金從之韓咎立因也以爲戒不立則曰來効賊也念孫案因也當爲因曰與下文則曰相對爲文韓子說林篇作得立因曰爲戒是其證

生得失

今殺人之相相又國君之親此其勢不可以多人多人不能無生得失生得失則語泄鮑解生得失云謂相可否今本史記刺客傳亦作生得失念孫案史記索隱出

不能無生得五字解云戰國策作無生情言所將人多或生異情故語泄此云生得言將多人往殺使累後又被生擒而事泄亦兩通也據此則史記本作生得今本得下有失字乃後人以意加之也戰國策本作生情而今本亦作生得失則又後人據史記改之也

位正

今王位正張儀之貴不得議公孫郝是從臣不事大臣也公孫郝之貴不得議甘茂則大臣不得事近臣矣鮑解今王位正句曰言武王能正貴賤之位念孫案如鮑說則當云今王正位不當云今王位正也今案位讀爲

蒞正讀爲政言自今王蒞政以來從臣不事大臣大臣  
不事近臣也上言羣臣比周以蔽其上此言今王蒞政  
以來從臣不事大臣大臣不事近臣則羣臣不得比周  
以蔽上矣故下文曰羣臣之賢不肖可得而知也僖三  
年穀梁傳曰蒞者位也位與蒞義同而聲相近故字亦  
相通周官肆師用牲于社宗則爲位故書位爲蒞是也  
秦策曰臣聞明主蒞正卽蒞政也政正古多通用不煩  
覩縷

燕

足下皆

足下皆自覆之君也。僕者進取之臣也。念孫案皆字義不可通。皆當爲者。足下者與僕者相對爲文。今作皆者。因上文皆自覆之術而誤。

君人

臣聞古之君人。有以千金求千里馬者。念孫案君人當依新序雜事篇作人君。藝文類聚居處部。太平御覽資產部。及文選論盛孝章書注。引此竝作人君。

黃金千溢

臣請獻白璧一雙。黃金千溢。以爲馬食。念孫案秦策言白璧百雙。黃金萬溢。此獻白璧一雙。則黃金不得有千。

溢之多且與下以爲馬食之意不合太平御覽獸部引此千作十於義爲長

### 長驅至國

濟上之軍奉令擊齊大勝之輕卒銳兵長驅至國姚曰國錢作齊念孫案作齊者原文作國者後人據史記樂毅傳改之也後人以上文旣言擊齊此不當復言至齊故改爲至國不知至齊之齊與擊齊之齊異義至齊謂至齊都猶言至國也齊策云馮煖自薛長驅到齊亦謂到齊都也文選東京賦注爲曹洪與魏文帝書注爲石仲容與孫皓書注晉紀總論注引策文竝作至齊新序

雜事篇亦作至齊又文選天監三年策秀才文注引史記輕卒銳兵長驅至國然則史記作國而戰國策作齊明矣

### 舉王

臣聞當世之舉王必誅暴正亂舉無道攻不義鮑解舉王二字曰興起之王吳曰舉字恐因下誤衍念孫案吳說是也當世之王謂受命之君也王上不當有舉字太平御覽人事部引此無舉字

### 卽有舛蚌

蘇代爲燕爲趙惠王曰今者臣來過易水蚌方出暴而

鵲啄其肉蚌合而拊其啄鵲曰今日不雨明日不雨卽有舂蚌蚌亦謂鵲曰今日不出明日不出卽有舂鵲姚曰謠語諺語皆叶後語作必見舂蚌脯卽多一字藝文類聚引云蚌將爲脯如此則叶韻然不聞蚌鵲得雨則解也陸農師乃云今日不雨明日不雨必有舂蚌雨謂開口一本作雨非是恐別有所據念孫案陸說甚爲紕謬訓兩爲開口旣屬無稽謂兩與蚌爲韻又於古音不合凡平聲江韻之字古音皆與東冬通而不與陽通上去聲亦然蚌字古讀若奉故其字從虫丰聲郭璞山海經毆野絲贊曰女子鮫人體近蠶蚌出珠匪甲吐絲匪蛹化出無方物豈有種則晉時蚌字尚讀若奉陸佀不知古音而謂蚌與兩爲韻故有此謬說此當作今日吳棫韻補蚌叶彼五反與兩爲韻亦非

不雨明日不雨蚌將爲脯姚云不聞蚌鷸得雨則解非

也蚌將爲脯者謂不雨則蚌將枯死非謂蚌鷸得雨則

解也今案作蚌將爲脯者戰國策原文也藝文類聚人部及太平御覽

覽人事部諫諍游說二類並引作蚌將爲脯今據以訂

正藝文類聚鱗介部及御覽羽族部並引作即見蚌脯

又御覽兵部引作即有蚌作必見蚌脯者春秋後語文

脯皆後人據他書改之也

也御覽鱗介部及唐釋湛然止觀輔行傳宏決引後語

並作必見蚌脯姚所見本作必見蚌脯多一从字

者又宋人據誤本

戰國策加之也

即有从鷸而誤也諸書所引皆無

兩明日不雨者誤本之尤甚者也諸書所引皆無

兩與蚌之非韻而轉以作雨者爲非又妄解兩爲闕口



以曲成其說甚矣其謬也而姚且疑其別有所據母亦  
眩於名而不知其實乎

非君恐望之

燕王遺樂閒書曰掩人之邪者厚人之行也救人之過  
者仁者之道也世有掩寡人之邪救寡人之過非君恐  
望之姚本作非君心所望之念孫案新序雜事篇作非  
君惡所望之是也惡何也言非君何所望之也作恐者  
惡之譌作心者惡之脫耳鮑不考而改恐爲孰謬矣  
孰形聲俱不相近若本  
是孰字無緣誤爲恐

君之所揣也

願君捐怨追惟先王復以教寡人意君曰

鮑注以意爲意度非也意

詞也讀與抑同論語學而篇抑與之與漢石經抑作意大戴禮武王踐阼篇曰黃帝顓頊之道存乎意亦忽不可得見與墨子明鬼篇曰豈女爲之與意鮑爲之與莊子盜跖篇口知不足邪意知而力不能行邪余且

慝心以成而過不顧先王以明而惡使寡人進不得脩

功退不得改過君之所揣也唯君圖之鮑解君之所揣

句云言君量我也姚云揣曾作制念孫案鮑說甚謬揣

者制之譌制者制之譌言君之幸教寡人與否皆在於

君故曰君之所制也唯君圖之新序雜事篇作此君所

制唯君圖之是其明證也篆文制字作𠄎隸作𠄎形與

制相近因譌而爲制矣

齊策夫制楚者王也鴻烈主衛爲其立君也所以制有司使無

專行也。今本制字竝譌作制。大戴禮五帝德篇依鬼神以制義。史記五帝紀譌作制。正義以制爲古制字。非也。

### 膝下行

太子再拜而跪。膝下行流涕。鮑注曰。以膝行不立行。故言下。念孫案鮑說甚謬。膝行二字之間。不當有下字。此因上文下字而誤衍耳。史記刺客傳無下字。文選四字。講德論注引策文亦無。

宋

王之所憂 齊王 荆王

齊攻宋。宋使臧子索救於荆。荆王大說。許救甚勸。臧子曰。宋小而齊大夫救於小宋。而惡於大齊。此王之所憂。

也而荆王說甚必以堅我我堅而齊弊荆之利也念孫  
案王之所憂王當作人今作王者戰國策人字或作王  
因譌而爲王下章墨子曰吾欲藉子殺王王亦王之譌  
也吳曰一本殺王作殺王云人王並  
而鄰反集韻云人唐武后字作王韓子說林篇作夫  
救小宋而惡於大齊此人之所以憂也是其證下文齊  
王果攻拔宋五城而荆王不至而王字亦當作人韓子  
作齊人拔五城於宋而荆救不至是其證

設機

公輸般爲楚設機將以攻宋念孫案機下當有械字故  
高注曰機械雲梯之屬也莊三十二年公羊傳注曰有

攻守之器曰械機械機巧之械也文選勸進今上賡注  
辯也論法引策文竝作機械墨子公輸篇亦云公輸般  
爲楚造雲梯之械

罵國老諫曰

宋康王射天咎地斬社稷而焚滅之罵國老諫曰鮑改  
諫曰爲諫臣

見吳校本

念孫案曰與臣形聲俱不相近若本

是臣字無緣誤爲曰考太平御覽人事部引此作罵國  
老諫者賈子春秋篇新序雜事篇竝作罵國老之諫者  
則舊本曰字乃者字脫去上半耳且諫者卽指國老而  
言蓋羣臣莫敢諫唯國老尚有諫者而康王罵之也鮑

不達而以意改之斯爲妄矣

見祥而不爲

見祥而不爲祥反爲禍念孫案見祥而不爲當作見祥

而爲不可爲不可謂爲不善也

呂氏春秋制樂篇曰見祥而爲不善則福不至

義與此同

可與禍爲韻今本爲不二字誤倒又脫去可字賈

子新序竝作故見祥而爲不可祥反爲禍

衛

今蒲入於魏衛必折於魏

秦攻衛之蒲胡衍謂樗里疾曰衛所以爲衛者以有蒲也今蒲入於魏衛必折於魏吳曰一本作蒲入於秦念

孫案史記僂里子傳作今伐蒲入於魏衛必折而從之  
索隱曰戰國策云今蒲入於秦衛必折而入於魏與此  
文相反也據此則今本作今蒲入於魏乃後人據史記  
改之下句作衛必折於魏折下又脫去而入二字也而  
策曰與之高郵則周必折而入於韓齊策曰晚救之韓  
且折而入於魏楚策曰魏折而入於齊秦子何以救之韓  
策曰韓急則折而入於楚矣其一本作蒲入於秦者是也據高注云

衛知必失蒲必自入於魏以求救則正文本作今蒲入  
於秦衛必折而入於魏明矣蓋攻蒲者秦也故言蒲入  
於秦不得言蒲入於魏史公未達其意而改之故索隱  
有相反之語而後人復據史記以改此策弗思甚矣鮑

解蒲入於魏句云衛恐秦取蒲必自入之魏此不得其解而爲之詞

衛使客事魏 衛客曰

衛使客事魏三年不得見念係案衛使客當作衛客謂

衛人之客於魏者也

衛客猶言燕客秦策曰燕客蔡澤是也

衛下不當有

使字事魏下當有王字今本行使字脫王字則文不成義藝文類聚人部太平御覽人事部引此竝作衛客事魏王又下文衛客曰事王三年不得見衍曰字類聚御覽皆無曰字



商敵爲資

司馬憲奏書中山王曰臣聞弱趙強中山中山王說而見之曰願聞弱趙強中山之說司馬憲曰臣願之趙觀其地形險阻人民貧富君臣賢不肖商敵爲資未可豫

陳也念孫案敵當爲敵字之誤也敵卽商摧之摧

推音古學

反商推之推通作敵猶推擊之推通作敵說文推敵擊也玉篇苦角切定二年左傳奪之杖以敵之釋文推敵擊孝反又苦學反說文敵擊頭也玉篇口交口卓二切推敵敵三字古同聲而通用凡從高從崔之字古多通用說文塙堅不可拔也玉篇口角切卽易確乎其不言當可拔之確詩白鳥騫騫孟子作鶴鶴皆其例也觀其地形險阻人民貧富君臣賢不肖商摧以爲資未可豫陳其說也

商推猶商較也較與推古字通續漢書律志其可以相傳者惟大推常數而已

大推即大較鮑彪解商字云商較之太平御覽人事部是也但未知推之借作敵謄作敵耳引此作商推爲資是其明證矣推字古通作敵因譌而爲敵荀子儒效篇退編百姓而慤新序襍事篇慤作敵今本譌作敵莊子徐無鬼篇釋文引三蒼云推敵也今本亦譌作敵漢書李廣傳自負其能數與虜獮史記作數與虜敵戰敵音古學反故與獮通今本亦譌作敵草書敵字作敵敵字作敵二形極相似

不知者特以爲神力言不能及也

司馬憲見趙王曰以臣所行多矣周流無所不通未嘗見人如中山陰姬者也不知者特以爲神力言不能及

也鮑改力爲人吳以力言二字連讀云盡力言之引之  
曰鮑之改吳之釋皆非也力字與上下文皆不相屬當  
是也字之誤不知者特以爲神也絕句楚策曰鄭周之  
於衢間非知而其言不能及也五字乃高注之誤入正  
文者耳太平御覽人事部引策文無此五字是其明證  
矣

戰國策第三